

ხელშეკრულება №1/114
სახელმწიფო შესყიდვის შესახებ
დაფინანსების წყარო - კანონმდებლობით ნებადართული სხვა შემოსავლები

ქ. გორი

31 მაისი 2017 წ.

“სახელმწიფო შესყიდვების შესახებ” საქართველოს კანონისა და სს „გეფა“-ს მიერ ერთიანი ელექტრონული სისტემით წარმოდგენილი სატენდერო წინადადების საფუძველზე, **NAT170004919** ელექტრონული ტენდერის ჩატარების შედეგად, ვდებთ წინამდებარე სახელმწიფო შესყიდვების ხელშეკრულებას შემდეგზე:

ხელშეკრულებაში გამოყენებული ტერმინთა განმარტება:

- „ხელშეკრულება სახელმწიფო შესყიდვის შესახებ“ (შემდგომ – “ხელშეკრულება”) – „სახელმწიფო შესყიდვების შესახებ“ საქართველოს კანონისა და კანონქვემდებარე ნორმატიული აქტის საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, რომლებზეც ხელშეკრულებაშია მინიშნებები.
- „შემსყიდველი ორგანიზაცია“ (შემდგომ „შემსყიდველი“) - ორგანიზაცია (დაწესებულება), რომელიც ახორციელებს სახელმწიფო შესყიდვას;
- „მიმწოდებელი“ - იურიდიული ან ფიზიკური პირი, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- „დღე“, „კვირა“, „თვე“ - კალენდარული „დღე“, „კვირა“, „თვე“.

1. ხელშეკრულების დამდები მხარეები:

ერთის მხრივ, სსიპ – გიორგი აბრამიშვილის სახელობის საქართველოს თავდაცვის სამინისტროს სამხედრო ჰოსპიტალი წარმოდგენილი მისი დირექტორის რევაზ კუჭუხიძის სახით (შემდგომში შემსყიდველი); მისამართი: ქ. გორი, ჭავჭავაძის #56; საიდენტიფიკაციო კოდი: 218064699; საბანკო რეკვიზიტები: ქ. თბილისი, სახელმწიფო ხაზინა, მიმღები ბანკი-ხაზინის ერთიანი ანგარიში, სახაზინო კოდი № 200122900; ანგარიშის № GE24NB0330100200165022

მეორეს მხრივ: სს „გეფა“, წარმოდგენილი მისი საოპერაციო დირექტორის მიხეილ აბრამიძის სახით (შემდგომში „მიმწოდებელი“) იურიდიული/ფაქტიური მისამართი: ქ.თბილისი, სანაპიროს ქ. 6, ტელ: +99532952802, lado.matikashvili@gepha.com, საიდენტიფიკაციო კოდი: 201991229, საბანკო რეკვიზიტები: სს „თი ბი სი ბანკი“, ბანკის კოდი: TBCBGE22, ანგარიშის GE05TB1100000002467883/GEL

2. ხელშეკრულების საგანი

- 2.1 ხელშეკრულების საგანია ფარმაცევტული პროდუქტის სახელმწიფო შესყიდვა CPV33600000.
- 2.2 შესყიდვის ობიექტის ტექნიკური მახასიათებლები და რაოდენობა მოცემულია ფასების ცხრილში, რომელიც თან ერთვის და წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

- 3.1 ხელშეკრულების ჯამური ღირებულება შეადგენს 11 200.00 (თერთმეტი ათას ორასი) ლარს.
- 3.2 შესყიდვის ობიექტის დეტალური განფასება მოცემულია ფასების ცხრილში-დანართში.
- 3.3 ხელშეკრულების ღირებულება მოიცავს როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.4 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. მხარეთა ვალდებულებები

- 4.1 მიმწოდებელი ვალდებულია:
 - 4.1.1. უზრუნველყოს საქონლის მიწოდება ეტაპობრივად, ხელშეკრულების გაფორმებიდან 2017 წლის 28 დეკემბრის ჩათვლით, მოთხოვნიდან 3 სამუშაო დღის განმავლობაში.

4.1.2. საქონლის მიწოდება უნდა განხორციელდეს მისამართზე: ქ. გორი, ჭავჭავაძის 56.

4.1.3. მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო და ახალი საქონელი.

4.1.4. განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე, დაუყოვნებლივ უზრუნველყოს აღმოჩენილი ხარვეზის გამოსწორება;

4.1.5. ხელი შეუწყოს შემსყიდველს ინსპექტირების განხორციელებისას;

4.1.6. უზრუნველყოს ამ ხელშეკრულებით გათვალისწინებული სხვა ვალდებულებების განხორციელება.

4.2 შემსყიდველი ვალდებულია:

4.2.1. უზრუნველყოს ხელშეკრულების შესრულების კონტროლი;

4.2.2. განახორციელოს ამ მასზე დაკისრებული სხვა ვალდებულებები.

5. ხარისხი და ვარგისიანობის ვადა

5.1. მიწოდებული საქონლის ხარისხი უნდა შეესაბამებოდეს სატენდერო დოკუმენტაციით დადგენილ სტანდარტებს.

5.2. პირველი და მესამე პოზიციის ვარგისიანობის ვადა უნდა იყოს არანაკლებ 1(ერთი) წელი მოწოდების დღიდან, მეორე პოზიციის ვარგისიანობის ვადა უნდა იყოს არანაკლებ 3 თვე მიწოდების დღიდან.

5.3. ხელშეკრულების მოქმედების პერიოდში, თუ რომელიმე პოზიციის ვარგისიანობის ვადა არ დააკმაყოფილებს ზემოაღნიშნულ მოთხოვნას, მიმწოდებლისგან წარმოდგენილი დასაბუთებული ინფორმაციის საფუძველზე შემსყიდველი უფლებამოსილია შეისყიდოს ბაზარზე იმ მომენტისთვის არსებული მაქსიმალური ვადის მქონე პრეპარატი ჰოსპიტლის ფუნქციონირებისათვის საჭირო რაოდენობით.

6. ხელშეკრულების შესრულების კონტროლი

6.1 "შემსყიდველი" უფლებამოსილია საქონლის მიწოდების პარალელურად მოახდინოს ხელშეკრულების შესრულების კონტროლი, რომლის მიზანია მიწოდებული საქონლის შესაბამისობის დადგენა ხელშეკრულებით გათვალისწინებულ პირობებთან და "შემსყიდველის" მოთხოვნებთან. ასევე მიწოდების ვადების და საქონლის ვარგისიანობის ვადების მონიტორინგი.

6.2 ვარგისიანობის ვადის განმავლობაში, შემოწმების შედეგად გამოვლენილი ნებისმიერი დეფექტის შესახებ "შემსყიდველი" დაუყოვნებლივ წერილობით აცნობებს "მიმწოდებელს" დაწუნებული საქონლის რაოდენობას წუნდების მიზეზების მითითებით. მიმწოდებელი ვალდებულია შემსყიდველის შეტყობინებით დადგენილ ვადაში აღმოფხვრას წუნი.

6.3. გამოვლენილი დეფექტის ან ნაკლის აღმოფხვრასთან და ხელახალ კონტროლთან (ინსპექტირებასთან) დაკავშირებული ხარჯების ანაზღაურება ეკისრება "მიმწოდებელს", საქართველოს კანონმდებლობით დადგენილი წესით.

6.4. ხელშეკრულების კონტროლი განხორციელდება პერიოდულად, წარმოქმნილი საჭიროებიდან გამომდინარე.

6.5. "მიმწოდებელი" ვალდებულია საქონლის მიწოდების განხორციელების დროს კონტროლის (ინსპექტირების) ჯგუფს შემოწმების პროცესში აღმოუჩინოს ხელშეწყობა, არ შეუქმნას ხელისშემშლელი პირობები და შესასყიდ საქონელთან დაკავშირებით წარუდგინოს ნებისმიერი სახის ინფორმაცია და დოკუმენტები.

7. საქონლის მიღება-ჩაბარების წესი

7.1. შესყიდვის ობიექტის მიღება-ჩაბარება ხდება მიღება-ჩაბარების აქტის საფუძველზე (სასაქონლო ზედნადების გამოწერით). საქონლის გადაცემა დასტურდება ორივე მხარის მიერ ხელმოწერილი მიღება-ჩაბარების აქტითა და შესაბამისი სასაქონლო ზედნადების გამოწერით, რომელთა გამოწერით ყველა ქონებრივი უფლება საქონელზე უკუთვნის მიმწოდებელს, რომელიც პასუხისმგებელია შესაძლო რისკებზე - საქონლის შემთხვევით (მთლიანად ან ნაწილობრივ) დაღუპვაზე, გაფუჭებაზე ან სხვა რაიმე ზიანზე. ზემოაღნიშნული დოკუმენტაციის გაფორმების მომენტიდან აღნიშნული უფლებები და რისკები გადადის შემსყიდველზე.

7.2. საქონლის მიღებას აწარმოებს ავთიაქის უფროსი.

8. ანგარიშსწორება

8.1 ანგარიშსწორება განხორციელდება შემდეგი პირობებით:

8.1.1 ანგარიშსწორების ვალუტა – ლარი;

8.1.2. ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2. შემსყიდველი იღებს ვალდებულებას გადაუხადოს მიმწოდებელს მიღებული საქონლის ღირებულება მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან 10 სამუშაო დღის განმავლობაში.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1. ამ ხელშეკრულებით განსაზღვრული ვალდებულებების შეუსრულებლობის ან არაჯეროვნად შესრულების შემთხვევაში, მხარეები პასუხს აგებენ საქართველოს კანონმდებლობით, ამ ხელშეკრულებით გათვალისწინებული პირობებით და წესით. თითოეული მხარე ვალდებულია მეორე მხარეს აუნაზღაუროს ვალდებულებების შეუსრულებლობით გამოწვეული ნებისმიერი პირდაპირი თუ არაპირდაპირი ზიანი;

10.2. "შემსყიდველის" მიერ ფინანსური ვალდებულების დროულად შეუსრულებლობის, ან არაჯეროვნად შესრულების შემთხვევაში "მიმწოდებელს" უფლება აქვს დააკისროს პირგასამტეხლო იმ პერიოდისათვის არსებული ფინანსური ვალდებულების 0.02%-ის ოდენობით ყოველ ვადაგადაცილებულ დღეზე.

10.3. "მიმწოდებლის" მიერ ნაკისრი ვალდებულების დროულად შეუსრულებლობის, ან არაჯეროვნად შესრულების შემთხვევაში "შემსყიდველს" უფლება აქვს დააკისროს პირგასამტეხლო შეუსრულებელი ვალდებულებების 0.02%-ის ოდენობით ყოველ ვადაგადაცილებულ დღეზე.

10.4. ნივთობრივი ნაკლის შემთხვევაში, ხელშეკრულების 6.2 პუნქტით დადგენილი ვადების გადაცილებისას „მიმწოდებელს“ ეკისრება პირგასამტეხლო ხელშეკრულების ჯამური ღირებულების 0,2%-ის ოდენობით.

10.5. საჯარიმო თანხის გადახდა უნდა მოხდეს წერილობითი შეტყობინების მიღების დღიდან 10 კალენდარული დღის ვადაში.

10.6. საჯარიმო თანხის გადახდა არ ათავისუფლებს მხარეებს ნაკისრი ვალდებულებების შესრულებისაგან.

10.7. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულებების შეუსრულებლობით.

11. ხელშეკრულებაში ცვლილებების შეტანა

11.1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2 თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს საქართველოს სასამართლოს კანონით დადგენილი წესით.

13. ხელშეკრულების შეწყვეტა

13.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს

ხელშეკრულებით გათვალისწინებული ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

14.1 წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს 2018 წლის 31 იანვრის ჩათვლით.

15. ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის "ფორს-მაჟორი" ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ერთი – შემსყიდველს.

17. მხარეთა ხელმოწერა:

შემსყიდველი

სსიპ გიორგი აბრამიშვილის სახელობის
საქართველოს თავდაცვის სამინისტროს
სამხედრო ჰოსპიტალი



მიმწოდებელი

სს „გეფა“

საოპერაციო დირექტორი



ფასების ცხრილი

N	საქონლის დასახელება	ჯანვარი	წარმოების ქვეყანა	მწარმოებელი კომპანია	განზომილებების ერთეული	რაოდენობა	ერთეულის ფასი	საერთო ფასი
1	სოლუ-მედროლი ლიოფილიზატი საინექციო ხსნარის მოსამზადებლად 500მგ ფლაკონი+გამხსნელი #1	მეთილპრედნიზოლონი	ბელგია	ფარმაცია (ფაიზერი)	ფლაკონი #1	200	48.25	9,650.00
2	რემესტაბი ხსნარი საინექციო 0.1მგ/1მლ ამპულა #5	ტერლიპრესინი	ჩეხეთი	ფერინგი-ლეჩივა	ამპულა #5	6	173.00	1,038.00
3	მირამისტინი ხსნარი ადგილობრივი გამოყენების 0.01% 150მლ ფლაკონი გამფრქვევით #1	ბენზილდიმეთილ ამონიუმის ქლორიდის მონოჰიდრატი	რუსეთი	ინფამედი	ფლაკონი #1	20	25.60	512.00
								11,200.00

მიწოდების ვადა - ეტაპობრივად, ხელშეკრულების გაფორმებისთანავე დანიშნული ვადის განმავლობაში.
მიწოდების ადგილი - შემსყიდველის მისამართზე: ქ. გორი, ჭავჭავაძის 56
ვარგისიანობის ვადა მიწოდების მომენტიდან - პირველი და მე-3 პოზიციების არანაკლებ 1 წელი; მე-2 პოზიციის არანაკლებ 3 თვე.

სს "გეფა"
 კორპორატიული გაყიდვების მენეჯერი
 კახაბერ ხაჩიძე

